

乃發聲。雷是陽氣之將上，與陰相衝也。動於地上，天之下發陽則蟄虫應而振出。孔子曰：迅雷甚雨，風烈則變，雖夜必興衣服冠而坐，所以畏天威也。次始電。電是陽光也，陽微則光不見，此月陽氣漸盛以擊於陰，其光乃見，故云始電。清明三月節，配于乙，桐始華。桐陽木，故以清明氣始花也。又清明者謂生物，天氣清淨明潔，万物盛大而可觀，故云清明。又乙軋也，万物奮軋而出也。故乙主三月節，以配于木也。次田鼠化爲鴛。郭璞曰：鴛是鴿也，化者蓋鼠化爲鴛，鴛化爲鼠乎？失節不化則國不正也。莊子曰：田鼠化爲鴽也。次虹始見。虹者爾雅釋天文郭氏曰：雄曰虹，雌曰蜺。又雄明盛，雌闇微也。是陰陽交會之氣，純陰純陽則虹不見，若雲薄漏日，日照雨滴則虹生矣。穀雨三月中，配于辰，萍始生。爾雅曰：水中之浮萍也。江東謂之藻，又大者名蘋也。穀雨者是時日在昴宿，昴西方之宿，金也，水生之故，甘雨降生万物，故云穀雨。三禮義宗云：辰物盡震動而長，故主三月中，以配于土。次鳴鳩拂羽。其羽者，鳴鳩飛且翼相擊，是時農急也。魏書云：謂穀鳴，俗耕種之爲候也。穀雨五月，鳴鳩拂羽，若不拂國不治，兵也。次戴勝降桑。此蠶將生之候也。戴勝織紵之鳥，恒在桑頭上戴毛，故以爲名。立夏四月節，配于巽，蜩鳴。蜩，蝻也。蝦蟆蛙也。蝦蟆，鄭玄謂蝻，又衍義曰：蝻，蝻也。此虫當立夏後，至夜則鳴，月令謂蝻蝻鳴者是矣。其聲如蚯蚓，是時陽氣已盛在上，陰氣微弱在下，宜顯故巽主立夏，在東南維，以配于木。次蚯蚓出。此時候无文，今按冬至之候，一陽來復之時，蚯蚓動，宛而上首，漸得陽氣，令出乎。次王瓜生。王瓜者，艸挈也。又王萇也。此時宜種瓜也。小滿四月中，配于巳，苦菜秀。此時候物成秀生也。又小得盈滿，故云小滿。三禮義宗曰：已起也，物至此時皆畢起，故巳主四月。○月脫中字下以配于火也。次靡艸死。此時候无文，故引內說以明之。葦薜之屬也，以其枝葉靡細，故云靡草也。次小暑。至此時時候无文，今案仲夏之節漸近，而炎上氣雖至，陰氣猶殘，熱氣最微也，故云小暑至。歟。芒種五月節，配于丙，蟠螳生。舍人云：蟠螳，今之蟠螳也。又謂之貪尾，又謂之馬穀，又名其子云：蟠螳也。鄭玄云：丙者柄也，物之生長各執其柄，万物强大而炳然著見也。故丙主五月節，以配於火。又芒種者有芒之穀，可稼種者也。次鳴始。鳴，一名伯勞，又名缺也。應陰而殺物，鳴則將寒候也。以五月應陰氣之動，陰爲